

مشتاق

محل مطبعه و اداره :

جفـال اوغلندده امنيت
صندوغى جوارنده
شنكول يقوشنده
۲۲ نومرو

افطار :

مسلکمزده موافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتیجی جلد

۲۱ ربیع الاول پنجشنبه ۱۰ مارت ۳۲۶

عدد : ۱۳۳

دارالخلافه کتابچیلرده بازار کونی قیادقندن ، حتی اوستنده خلیفه تمغاسی (طغرا) اولان بردکانده بازار کونی قیادقندن سوکره ، بزم تصور ایتدیگمز محذورلر ، عجباً صرف وهم دکلیدر ؟ رجا ایدرم ، افندیلم ؟ بزم ترددلریمی غزته کزله ازاله بویورکز .

قزانی برحاجی

حاجی افندی قرداشمز ، سزك جمعه رینه بازارك هفته تعطیلی اوله سندن تولدینی تصور ایتدیگمز محذورلر وهم دکل حقیقیدر . جهاد کزده دوام ایدیکز ، و جمعه نك يوم تعطیل قالمه سنی الکزدن کلن بوتون غیرتی صرف ایله محافظه چالیشکز ؛ بزم استانبول ، بو بایده اصلاً رهبریکز اولماسین استانبولده شایان اصلاح پك چوق خصوص وار . و بونلردن بریسی ده هیچ شبهه سز ، بو مناسبتسز حالدر .

حکومتده دیه جکمز وار : استانبولك بعض پیاسه لرنده بازارك يوم تعطیل اوله سی برطاقم اسباب اقتصادی دن نشأت ایتدیگنی بیلیمز دکلز ؛ مع مافیه فکریمز جه حکومت بو مهم مسأله یی تدقیقه مجبوردر . و علی الخصوص هرکه فابریقه سی دکانلری کی دکان میریه نك اولسون بازار کونلری قبالی بولنلر مرق جمعه آچق کی مناسبتسز لکه محل براقه مه سی قطعاً الزمدر .

استانبول وقایعنك عالم اسلامه عکسی

دنیا کیتدکجه کوچولور . مناسبتلر ، رابطه لر آرتدقجه آرتیور . یاریم عصر اول برلرلرندن همان هیچ خبرسز یاشایان مراکز اسلامیه بوکون برلرلرینه تیمور یوللری ، پوسته عربلری ، تلغراف تلرله باغلانمشدر . بویوک اسلام شهرلرینک چوغنده مطبوعات وار . بونلرک ستونلری - دارالخلافه کونده لکلی مستثنا .. - عالم اسلام وقایعی ایله دولدریلور . قاهره ، لاهور ، طهران ، قازان غزته لرینک یاریسندن فضله سی عالم اسلام وقایعنه حصر ایدیلمشدر . بو صحیفه لرده دولت عثمانیه ، دارالخلافه حوادثی الهمهم یر طوتار . استانبولك کوچوک برفکری ، اهمیتسز برحادثه سی دالغالانه ، دالغالانه بوتون عالم اسلامه یاییلور . بوتون عالم اسلام اوفکر و یاحادنه دن متأثردر . مثلاً بافکمز ، بالنسبه اهمیتسز بروقه ، باب عالی یانغینی بحر حزر ساحلنده کی « آسترخان » ده چقان « ایدیل » رفیقمزك استانبول مخبرینه اوزون بر مکتوب یازدیرمشدر .

شایان دقت بومکتوبك بعض فقره لرینی عیناً نقل ایدیورز : « باب عالی یاندی . بزم روسیه یی مسلمان نقطه نظرندن ناصل اولوب یانه بیلدیگنی تعیین ایتک پك زوردر . بزم اوطوردیغ یرباب عالی یه یاقین اولدیغندن ، یانغینك نصل ترقی ایتدیگنی ، بویوک بویوک حکومت دائره لرینی بربری آردندن چیرکین و آتشین دیلی ایله ناصل یالایوب تخریب ایتدیگنی ای نوردیم . بویانغینك ترقیسی بر طرفدن

هفته تعطیلی

« قزانی برحاجی » امضاسیله بر مکتوب آلدق شیوه سنی عثمانی تورکچهنه چویره رک آشانی یه درج ایدیورز : عزتلو افندیلم .

بن درت بش کون اول حاجدن استانبوله کلدیم . بازار ایرته سی کونی روس واپوریه اوده سایه کیده جکدم . استانبولده باصلمش کلام قدیم ایله برقاج کتاب آلاچق اولدم او کتابلری بیلدیگمز بر اسلام کتابخانه سندن آلمق ایچون کچن بازار کونی باب عالی جاده سینه کیتدم . او کتابخانه قبالی . بلکه کتابچینك عائله جه برایشی وارد دیه باشقه بر کتابچی دکاننه کیتک ایتدم . اوراده کی برغزته صاتیچی « بوکون بازار ، کتابچیلرک هپسی قبالی » دیدی . « مسلمانلریده می ؟ » دیدم . « های های ! هپسی قبالی » دیدی ؛ و ایله باب عالی جاده سنك دکانلرینی کوستردی . بن کندی کندیمه شاشدم : دارالخلافه ، کلام قدیم آلمق ایچون کتبخانه اسلامه کیدیورم ، نصرانی بایرامی اولدینی ایچون قبالی کوریورم ! دوشونه دوشونه قبالی دکانلر آره سندن ایندم . یالکمز قهوه خانه لر آچیق ، هرکسده حقیقی بایرام کونلرنده کوربان برحیات و شطارت وار . صاغه کیدن برسوقاغده ، یکی البسه کینمش ارکک وقادینلر کزینیورلر ، آلی یشللی سوسلنمش دولاب کی برشی چویره رک چالنی چالیورلر . صوله کیدن برسوقاغه صاپدم ، دکانلر ، ینه قبالی ، بر قبالی دکانك اوستنده بادشاهك تمغاسی کوروب مراق ایدرک او قودم . « هرکه فابریقه هایونی منسوجاتی » یازیلمش ؛ اورادن کچن بر آدمه صوردم : « بودکان نه در ؟ » او آدمك جوابسندن آ کلام که دکانده خلیفه فابریقه سنك معمولاتی صاتیلیورمش . لکن شوراسنی ایی اکلایه مدم : معمولاتی صاتان دکانده میریمی ؟ میری ، یعنی بیت المالك ایسه اوراسی بازار کونی ناصل قبالی اولور ؟ ..

بز ، روسیه ده سنه لدنبری ، مسلمانلره بازار کونی دکان قیامق مجبوری اولسون دیه روسیه حکومتیه اوغراشیورز . حکومت ، بالعکس بازار کونی عموم تبعه سنه دکان قیادیرمق ایستیور . و بونك بر چوق جهتلردن بویوک اهمیتی وار . جمعه رینه بازار ی بایرام طانییه ، او کونی ایشی براقوب ، کینوب ، سونوب کز نمیه باشلایه جق اولورسحق ، چو - جق لریمزك روسلاشه سنی قولایلاشدیرمش اولورز . هفته تعطیلنك مسلمانلره جمعه اولسی ایچون ، شمعی یه قدر بز روسیه مسلمانلری ناظرلره ، حتی حکمداره قدر ، کراتله مراجعت ایتدک ؛ پترسبورغه ده له کله کونلرک بر خیلی پاره صرف ایتدک . الیوم روس مجلس مبعوثاننده کی فرقه مزك پروغرامنده مندرج بر ماده مهمه ده اهل اسلامه هفته تعطیلنك بازار اوله مسیدر . روسلر ، روس حکومتی بش آلتی سنه اوغراشدق لری حالده ، حالا بازار ی مسلمانلره تعطیل کونی یایمیدیلر وانشاه یایمیه جق لر .

دارالخلافه نك احوالی ، بوقاریده حکایه ایتدیگمز وجهله کوردکن سوکره بنده بر تردد حاصل اولدی . عجباً بزیهوده می ، اوغراشیورز ؟

بنی فحالده قیزدیدی ، دیگر طرفدن بنده آغلامق ارزوسی او یاندیردی . بن حساریمدن تجرد ایدهرک ، یالکیز واقعه یی نقل ایده جکم . باب عالینک بناسی غایت بویوک ، بزم قازان دارالفنون سندن ده بویوک . استانبول غزته لری اون بیسک آرشیندن فضله دیورلر . بن یانغینه کلدیکم زمان اتش قوجه بنانک ، اوفه جق بر قسمی صاره شدی ؛ انجق اوتوز اوتوز بش آرش-ونلق بریر یانیوردی . هیچ روزکار ایسمه دیکی ایچون یانغینک بک چاپوق سون دیر یلمه سی قابل ایدی . آرتق طولومه جیلرده کلوب یتشمه-دی ، طولانان اهالی ده توسع ایتیه جک دیورلردی . لکن ایش او یله چیقما دی ؛ طولومه جیلر بیلیم نهدن ، بولندقلری یرده ، بلا حرکت ط-ور یورلردی . بز ، برقاج کیشی ؛ « نه اولور ؟ » نیچون صو صیق میورسکیز ؟ « دیه صورمه یه باشلادق - « صویوق ... » جوابی آلدق ؛ صویوق ... صوکره اکلادق که باب عالینک صوخرینه- سنک آناختاری غائب اولمش ... سو قاقلرده کی صومو صلو قاری آچیله- میورمش ... حاصلی صویوق ! طولومه جیلر ، اوتیه بری یه سکر تیلر ، قومشو اولردن قابو چالهرق « سزده صویوقی ؟ دیه صو دیلنمه یه باشلادیلر ؛ لکن آتش اولرک صوبولوب کتیرمه لرینی بکله مدی ؛ کیتدکجه کنیشلندی . ارککار چشمه لردن تنکله له صوطاشیمه یه قادینلر آغلامه یه باشلادیلر . آتش نه اوبر قاج تنک صویه ، نده قادینلرک کوز یاشی صوینه آدیرمادی . دیرکن اطفا ئیه عسکرلری کلدی ، بوتون اطراف وجوار طولومه ایله طولدی . صواولما قدن صکره بوما کنه لرک نه تأثیری اوله جق ؛ آتش کاغده طولی بر اوطه یی صاردی . زوالی کتبلرک یوزلرجه سنه لردنبری یازدقلری اوراق برقاج دقیقه ده کول اولدی ، کیتدی ...

نوبته دوریه یان آلای خدمتجید ، هپسی اویوشمش ایمش . بریسی اویقویه طویدقدن صکره اوطه سندن چیقمش ، یانیق قوقو طویمش ؛ تلفون ایله طولومه جیلره خبر ویرمک خاطرینه بیله کله مش . وهپسی او یاندقدن صوکره ده ، هیچ بریسی اطفا ی حریق ایله اوغراشمه یه رق ، کنشیلرینک اسکی یورغانلرینی ، قیریق صندیق لری طاشیمه یه باشلامش ... مسأله نک اصل جان صیقه جق جهتی ، یانغینک کنشسی دکل ، اولدن بو کا قارشى هیچ بر تدیرک یابلمامش اولماسیدر ؛ قوجه بناده نه طولومه ، نه طولومه جی ، نده وظیفه سنی ایفا ایدر بر خدمتجی یوقش ؛ انقلاب فلان اولدیسده اکلایشیلان خدمتجیلرک ، مأمورلرک دماغلرنده ، وظیفه یه نظرلرنده هیچ برشی دیکشمه مش ایمش .

استانبولده هان هرکیجه یانغین اولور . بویوله ایکن وبا خصوص کچن سنه یه خدمتجیلرک ، مأمورلرک وظیفه لرینه دقتسز لکلری یوزندن کوزللیکی ، زنگینلکی ایله بوتون دنیانک اک برنجی سرایلردن معدود ، ملتک الی آلتش میلیون روبله سنه مال اولمش چراغان سرائی یانوب محو اولمش ایکن ، باب عالیده احتیاطسز لنگ بودرجه اولیشنه شاشماق ، بو واقعه لر بویله تعاقب ایتدکجه ، انسان عثمانی حکومتک استقبالی ایچون اندیشه لی دوشنجه لره دالماق قابلمیدر ؟ ... روسیه ده تورکجه بر غزته دن شو مطالعه لری او قویان بر عثمانی شبهه سز

بک متاثر اولور ، جانی صیقیلور ، قیزار ، محررینه ؛ « آیول ، بزم نواقص می عالمه اشاعه ایدن فرنک غزته جیلری یتشمیور می که سزده بویله یازیلر یازیورسکیز ، سزک غزته لر یکیز ، اصل عالم اسلامده ، تورک قارده شلریمز آره سنده طاغیلدیغندن ، سوء تأثیری ده اچوق اوله جقدر . « باغلیک ! » دیمک ایستر ؛ وحقلیدر . لکن او محررده قاقوب « مزراق چواله صیغماز ؛ شیوع وانتشارینی ایسته مدیککیز وقایعک حدوشته میدان ویرمه یکیز ... » دیسه حقسزمی اولور ؟

ژاپونیا اهرالی :

ژاپونیا ده

دایتو ، مجله سی و ، آسیاغی قای ، جمیتک بیساننامه سی

قارئین محترمه سزک ، عبدالرشید افندی ابراهیم حضرتلرینک توکیوده بولندقلری صره ده تشکلیتمش اولان « آسیاغی قای » جمیعتی بک ای بیلورلر . « آسیاغی قای » جمیعتی ، کچن کانون ثانی نک ۱۶ نجی کونکی اجتماعنده ، جمیعتک نشر افکارى اولمق اوزره ، « دایتو » [Daïto] یعنی « مشرق اعظم » عنوانی بر رساله موقوته نشرینه قرار ویرمش و قرارینی وقت غائب ایتمکسزین قوه دن فعله بالاخراج رساله یی شباط ابتداسنده نشرایا مشدر . دایتو « نک ایملک نسخی اداره خانه مزه واصل اولدی . رساله ، کوزل ژاپون کاغذینه صنعتکارانه مطبوع الی سسکیز صحیفه لک بر اثر نفیسدر . ایکی صحیفه دن ماعداسی کاملاً ژاپونجه اولدیغندن ، بالطبع هیچ برشی اکلایامادق . رساله نک قابله اسلام حروفاتیله « مشرق اعظم » و « دایتو » کله لری مطبوعدر . قلیک تصویر لطیفی ، چنقوغرافیا ایله آدیروب آشاغی به نقل ایتدک . یوقاریده ژاپونجه اولما دیغنی یازدیغمز ایکی صحیفه فرانسزجه در . بوزری اوقویوب آکلادق . صحیفه لرک بریسه ند « آسیاغی قای » جمیعتک بیساننامه رسمیسى ، دیکرنده ایکی آیلق فعالیتک ضبط خلاصه سی مندر جدر . ضبط خلاصه سنده ، استانبولدن برای تحصیل ژاپونیا به کیدن منیر ابراهیم ، حسن فهمی و محمد توفیق بکلرک وصول و صورت قبولی شویله حکایه اولونمشدر ؛ « کانون اولک ۲۴ نجی کونی آلینان تلغرافنامه اوزرینه ، جمیعت مز اعضا سندن آتو یاغی ، مازا توتوکیودن کویا به استقباله کوندریلدی . ۲۱ کانون اولده از الخلافه طلبه لری کلوب ، جمیعت طرفندن احضار اولونان اونه کیا اولتنه نازل اولدیلر . عین کونده اوهارا رفاقتنده اولهرق ، دولت عثمانیه تبعه سی امورینه باقان انکلتزه سفارتی و روسیه - ژاپونیا محاربه سنده مقتول اولان ژاپونیه عسکرلرینک یتیمخانه سنی زارت ایتدیلر . ۱۵ کانون ثانی ضبطنده شوسه طرلر نظردقی جالیدر ؛ « اسکیدن چینه سیاحت ایتش اولانلرک تشکیل ایتدکلری « سان قای دو » جمیعتی آچلدی . بوجمیتک « آسیاغی قای » ایله طوغریدن طوغرویه رابطه سی اولما قله برابر ، اعضای جمیعت سزک مجله سی ، یوم کشاده حاضر بولندیلر . « آسیاغی قای » و « سان قای دو » بوندن بویله مناسبات دائمه ده بولنه جقدردر .